

四庫全書

史部

欽定四庫全書

史部

浙江通志卷九十四

詳校官給事中臣戴璐

檢討臣德生覆勘

總校官編修臣倉聖脉

校對官中書臣温汝适

謄錄監生臣李逢堯

欽定四庫全書

浙江通志卷九十四

兵制五

國朝

溫州城守營

隸溫鎮管轄

額設副將一員

原設副將順治十三年裁十八

年復設都司僉書一員千總二員把總四員

康熙五十年十月為請酌衝緩等事將副將改設遊擊都司改設守備仍駐劄溫州府城

額設馬步戰守兵丁共八百九十九名

內有馬戰兵九十名

無馬戰兵一百七十四名守兵六百三十五名康熙二十四年六月為海氛既靖等事抽撥舟山鎮標有馬戰兵二名無馬戰兵四名守兵十四名又三十五年六月為欽奉

上諭事裁減無馬戰兵六十名守兵二十名又雍正六年五月為敬陳查復浙洋等事抽撥玉環營有馬戰兵三名無馬戰兵六名守兵二十二名又七年九月為遵

旨議覆事裁去京撥無馬戰兵二名守兵六名歸杭嘉湖三協募補實存馬步戰守兵丁共七百六十名十三年衛協改鎮添兵本協裁溢額馬九匹改步戰兵九名

官自備坐馬三十五匹兵丁官給馬一百匹

駐劄溫州府城遊擊一員守備一員千總二員把總

四員

有馬戰兵八十五名無馬戰兵一百二名守兵五

百七十三名

分防秦順縣把總一員領兵一百五十名防守臺

汎五處

楊府山臺新埭臺烏牛汎共守兵五十名江心寺西洲村共守兵二十名

平陽協營

隸溫鎮管轄

經制額設副將一員

原設總兵官康熙四十九

年閩浙總督梁繼題准將總兵官移駐處州即以處州副將移駐平陽

左右兩營各

都司一員守備一員千總二員把總四員

外委千總三員把總六員

雍正五年新設仍  
在有馬戰兵額內

原額馬步戰守兵丁共一千四百八十名

內有馬  
戰兵一

百四十名無馬戰兵二百二十名守兵一千一百  
二十名于康熙五十二年十月為遞補營員事將  
滿壯鎮下闕原管兵二百九十五名撥歸處州又  
雍正七年為遵

旨議覆事將原派塘撥戰兵三名守兵五名開除歸杭  
嘉湖三協募補實存馬步戰守兵丁共一千一百  
七十七名十三年禡協改鎮添兵本  
營裁溢額馬七匹改步戰兵七名

駐劄平陽縣城副將一員左營都司一員把總一員

兼防南岸汛務外委千總一員右營守備一員把總一員

兼防沙  
園汛務  
外委把總一員

馬步戰守兵丁共三百七十六名

分防江口汛左營把總一員外委把總一員馬步  
戰守兵丁九十一名

分防宋埠汛左營把總一員馬步戰守兵丁四十  
六名

分防墨城汛左營千總一員馬步戰守兵丁四十  
六名

分防南岸汛左營兼防把總一員馬步戰守兵丁  
三十五名

駐防蒲壯寨城左營守備一員千總一員外委千  
總一員把總一員馬步戰守兵丁共一百四十名  
分防鎮下關左營把總一員馬步戰守兵丁四十  
六名

駐防金鄉寨城右營都司一員右營千總一員外  
委把總一員馬步戰守兵丁共一百六十二名



分防橋墩寨右營把總一員外委把總一員馬步  
戰守兵丁六十六名

分防肥艚汛右營千總一員馬步戰守兵丁六十  
二名

分防北港汛右營把總一員馬步戰守兵丁三十  
四名

分防沙園汛右營兼防把總一員馬步戰守兵丁  
二十二名

分防碇埠頭汛右營把總一員馬步戰守兵丁五

十名

以外題設江口汛砲臺  
營房巡船詳見海防

樂清營

隸溫鎮  
管轄

經制額設副將一員守備一員千總

二員把總四員

額設馬步戰守兵丁共一千一百一十二名

內有  
馬戰

兵一百一十一名無馬戰兵二百一十五名守兵  
七百八十六名康熙二十四年八月為海氛既靖  
等事裁有馬戰兵五名無馬戰兵一十名守兵三  
十五名撥歸定海鎮標又三十五年六月為欽奉

上諭事裁無馬戰兵四十六名守兵一十六名又雍正六年十月為敬陳查復浙洋等事裁有馬戰兵一十名無馬戰兵二十名守兵七十名撥入新設玉環營又七年十月為遵

旨議覆事裁京撥戰守兵十名歸杭嘉湖三協募補現存馬步戰守兵丁共八百九十名十三年衝協改鎮添兵本營裁溢額馬六匹改步戰兵六名

駐劄樂清縣城副將一員守備一員

雍正九年改守備銜為都司銜

書把總一員

一年一換

存城有馬戰兵六十名無馬戰兵五十七名守兵

二百四十三名

分防蒲岐汛

兼轄婁嶽山萬橋口竹嶼  
牛鼻洞白沙嶺白沙山

把總一員

一年  
一換 有馬戰兵一十六名無馬戰兵二十名守兵

九十四名

分防大崧汛

兼轄鑿嶽山下灣山小  
崧山大崧山三江口

千總一員

一年

一換 有馬戰兵五名無馬戰兵一十二名守兵七十

八名

分防清江渡汛

兼轄梅嶽山江巖山清  
江嶺江巖汛窪嶽嶺

把總一員

一年  
一換 有馬戰兵五名無馬戰兵二十名守兵一百

五名

分防後所汛

兼防館頭馬山下印

千總一員

一年一換

有馬戰兵

五名無馬戰兵一十五名守兵六十五名

分防南岸汛

兼轄南岸口南岸山鹽盤沙頭沙頭臺

把總一員

一年一換

有馬戰兵五名無馬戰兵一十二名守兵七十八

名

康熙五十六年為欽奉

上諭事添設後所汛又雍正二年為請更闡浙等事將

磐石營原轄西北館頭汛馬山撥下印撥沙頭汛沙頭墩臺撥歸本營管轄併詳設南岸汛將江巖

汛歸入清江  
渡汛總防

大荆營

隸溫鎮管轄

額設叅將一員守備一員千總二員

把總四員

額設馬步戰守兵丁共八百九十九名

內原額有馬戰兵一

百名康熙二十三年裁馬一十匹改入無馬戰兵又三十五年為欽奉

上諭事裁無馬戰兵五十二名守兵一十八名又雍正

二年為請更闕浙等事裁守兵五十六名歸乍浦營召募又六年為敬陳查復浙洋等事裁有馬戰兵一十名無馬戰兵二十名守兵七十名撥歸新

設玉環營又七年為遵

旨議覆事裁京撥戰守兵丁八名歸杭嘉湖三協募補

現存馬步戰守兵丁共六百七十一名十三年備  
協改鎮添兵本營裁溢額馬十四匹改步戰兵十

名四

駐劄大荆寨城

蕪管磐山嶺  
汎黃泥橋汎

游擊一員

雍正二年題  
改叅將為游

擊千總一員外委千總一員

凡外委千把總俱  
係雍正五年題設

馬步戰守兵丁共二百四十五名

分防水漲汎

蕪管陡門草臺火燒  
潭草臺北峯嶺墩臺

把總一員外委

把總一員馬步戰守兵丁六十四名

分防巽坑汎

蕪管白箬嶺墩  
臺跳頭山墩臺

把總一員外委把總

一員馬步戰守兵丁六十六名

分防橫山汛

兼管大墳要口靜底汛

把總一員外委把總一

員馬步戰守兵丁六十六名

分防大芙蓉汛

兼管荆竹嶺水口廟汛西店嶺墩臺海口臺汛珠嶼汛

守備

一員隨防把總一員外委把總一員馬步戰守兵

丁共一百五十名

分防蔡輿汛

兼管朴頭山墩臺蒲輿汛蔡輿山墩臺

千總一員外委

千總一員馬步戰守兵丁七十四名



瑞安水師營

隸溫鎮管轄

副將一員

原設參將康熙十年改設副將雍正二年

題改陸路副將為水師副將

左右兩營各守備一員千總二員

把總二員

康熙四十七年為稟報事將瑞安把總一員調赴大嵐山防守雍正五年為敬陳管見等事設立外委千總二員把總五員仍在有馬戰兵額內

現存馬步戰守兵丁共九百三十二名

內有馬戰兵七十名

無馬戰兵七十七名水戰兵九十八名守兵五百四十名水守兵一百四十三名

各官自備坐馬三十六匹兵丁官給馬七十匹

戰船九隻

駐劄瑞安縣城副將一員中軍守備兼左營事一員

雍正九年改守備  
銜為都司僉書

左營千總一員把總二員外委

千總一員外委把總一員右營千總一員把總一

員外委千總一員外委把總一員

馬步戰守兵丁共三百九十二名

內派守停泊  
協應戰船

現防江岸汛輪防千把總一員馬步戰守兵丁一

百一十名

現防飛雲北岸輪防千把總一員馬步戰守兵丁四十名

輪巡各水汛右營守備一員管駕戰船二隻帶領右營外委把總一員配水戰守兵一百五十名

專防北關汛右營千總一員管駕戰船一隻配水戰守兵七十名隨巡左營外委把總一員管駕戰船一隻配水戰守兵七十名

貼防官山汛左營千總一員管駕戰船一隻配水

戰守兵五十名隨巡左營功加一員管駕戰船一

隻配水戰守兵五十名

瑞安西北陸汛屬溫鎮右營官兵巡防瑞安以南  
陸汛改歸平陽副將管轄其瑞安所屬各水汛地

方詳見  
海防

磐石營

隸溫鎮  
管轄

額設游擊一員守備一員千總二員

把總四員

雍正二年為請更闕浙等事改為水師營將館頭  
汛馬山撥下沙撥沙頭汛沙頭墩臺裁歸樂清營  
管轄將溫州鎮標右營所管海汛撥歸本營巡防  
改游擊銜為參將又六年為敬陳查復浙洋等事

仍改為陸路將本營參將一員守備一員千總一員把總四員調赴新設玉環營巡防本營僅存千總一員撥調衢協右營都司一員把總一員駐劄衛城分防天地墩臺館頭汛等處

原額馬步戰守兵丁共六百八十四名

內有馬戰兵七十三

名無馬戰兵一百六名守兵五百五名雍正二年將馬戰兵七十三名改為水戰兵一百四十六名又六年將步水戰守兵五百五十五名撥入新設玉環營將衢協右營步戰兵四名守兵八十九名撥歸本營又七年裁戰守兵三名歸杭嘉湖三協募補

復官馬三十匹

駐劄磐石衛都司一員千總一員把總二員

馬步戰守兵丁共二百九十七名

玉環營經制額設叅將一員

係磐石營撥調  
統轄左右兩營

左營守

備一員

係新設

千總一員

係太平營撥調

把總二員

俱磐石營撥調

右營守備一員千總一員把總四員

俱磐石營撥調

左營

外委把總二員功加官二員右營外委千總一員

外委把總三員功加官三員

俱係雍正六年浙江總督臣李衛題設詳

見建置

有馬戰兵三十五名

內樂清營抽調一十一名大荆營抽調一十名太平營抽

調一十二名溫州城守營抽調三名無馬戰兵八十九名內樂清營抽調二十

名大荆營抽調二十名太平營抽調二十三名溫州城守營抽調六名磐石營抽調二十名水

戰兵一百四十五名俱係磐石營抽調本一百四十六名於雍正七年撥一名

歸杭嘉湖召募守兵三百七十三名內樂清營抽調七十一名大荆營抽調七十

名太平營抽調八十四名溫州城守營抽調二十名磐石營抽調一百三十名共三百七十六名

雍正七年撥三名歸杭嘉湖召募水守兵二百五十四名俱磐石營抽調

戰哨船共一十六隻

左營陸汛官五員帶領有馬戰兵三十五名外委把總

一員  
在內無馬戰兵八十九名

外委把總一員  
功加官二員在內

守兵

三百二十四名八槳船四隻

右營水師官四員帶領水戰兵一百四十五名

外委

千總一員把總三員  
功加官三員在內

守兵四十九名水守兵二百

五十四名戰船八隻快哨船四隻

駐劄楊魯寨城叅將一員

輪流出洋  
兩月一換

守備一員馬步

戰守兵丁九十八名

分防後垵汛

魚輜車首頭里魯水孔口塘洋口塘  
洋山石臺東青西灘坎門各口



址  
十把總一員一年換馬步戰守兵丁一百七十名

八槳船二隻

分防楚門汛

兼轄桐林梅嶼楚門口石臺琛浦下灣蘆嶼沙嶼各口址

千把總

一員一年換戰守兵丁九十名八槳船一隻

分防大成嶼汛

兼轄南大嶼普竹連嶼白甃渡大嶼順小碟鷺灣各口址

千把總一員一年換戰守兵丁九十名八槳船一隻

以上俱陸汛官兵雍正

正六年十月新設

嵩防坎門千把總一員兩月帶領水戰守兵六十

名管駕戰船一隻

貼防長嶼外委十把或功加官一員

俱係水戰兵  
兩月一換

帶領水戰守兵三十四名管駕戰船一隻

貼巡坎門長嶼外委十把或功加官一員帶領水

戰守兵三十四名管駕戰船一隻

輪巡內外洋汛將備一員

兩月  
一換

帶領水戰守兵六

十名管駕戰船一隻

哨巡烏洋港內洋梁灣內洋黃門內洋沙頭外洋

等水汛各外委千把或功加官一員各帶領水戰  
守兵一十五名管駕快哨船一隻

留泊本營江口守備一員千把總二員

俱係輪帶  
流出洋

領水戰守兵丁一百八十四名戰船四隻

以上俱水汛官兵雍正六年  
十月新設汛地詳見海防

溫州城守營現存頭號紅衣砲一十二位

守護  
城池二

號紅衣砲三十位

守護  
城池

三號紅衣砲三十五位

內

防泰順縣城三位守  
護城池三十二位

發煩砲四位

守護  
城池

行營砲十

位存營百子砲一十六位存營蕩寇砲五十桿給兵操演

平陽營現存發煩砲一十八位內安設各城寨一十四位守護城池

四得勝砲三十位俱安設城寨砲臺小紅衣砲九位內安設砲

臺五位守護城池劈山砲八位俱安設砲臺行營砲七十二

位內安設砲臺城寨汛口百子砲二十位內安設砲臺城

寨十六位  
存營四位

樂清營現存行營砲二十四位內安設各墩臺一十二位守護城池

各門八位存營馬蹄砲五位內安設後所汛三位存營配隊四位  
百子

砲關位安設蒲岐所城而紅衣砲三位守護城門蕩寇砲五十

桿給兵演習

大荆營現存四號紅衣砲三位守護城池得勝砲六位

存行營砲二十五位內安設各墩臺一十八位存營七位紅衣砲二

位守護城池過山鳥十二位給兵禦用蕩寇砲四十桿給兵禦用

瑞安水師營現存紅衣砲二十八位內安設兵營三位配船七

位守護城池發煩砲二十一位俱配戰船小發煩砲一

位安設江岸汛臺得勝砲五位俱配戰船行營砲三十七位內安

欽定四庫全書

卷九十四

設砲臺汛口五位配船二  
十七位存營演放五位

劈山砲二十五位內安設砲

臺汛口八位配船九  
位存營演放八位

百子砲二十二位俱配戰船蕩寇

小砲一百桿給兵演放

磐石營現存紅衣砲五位俱安設砲臺

鐵發煩砲四位

守禦寨城行營砲一十四位俱安設砲臺

劈山砲五位守護寨城

百子砲三位守護寨城

玉環營現存行營砲十位俱配戰船百子砲一十二位

俱配戰船小發煩砲三位俱配戰船過山鳥二位俱配戰船

溫州府教場

在鎮海門外舊在府治西明嘉靖二十五年遷此地今仍之

雍正六年三月戶部為敬陳查復浙洋玉環山情形等事議覆浙江總督管巡撫事李衛疏稱玉環山地方請設官兵丁水陸分防營制等因應如該督等所請將磐石營叅將一員裁去同守備一員千總一員把總四員兵五百五十名准其移調玉環營駐劄尚少千總一員兵三百五十名准其於內地太平營之東舉千總一員兵一百一十九

名并樂清營抽兵一百名大荆營抽兵一百名溫州城守營抽兵三十一名俱歸入玉環營以足九百名之數其從前分隸黃巖磐石兩營防守之陸路并磐石營原管洋面附近玉環舊隸黃巖鎮標右營巡防之女兒洞等洋汛俱准其就近歸於玉環營管轄以沙頭等洋面為黃巖鎮右營汛地西南洋為玉環營汛地其外洋則以洞正屬之黃巖鎮標披山屬之玉環為界尚少守備一員行令該



督揀選熟悉水性人地相宜之員具題補授玉環營既分水陸自應添設馬匹戰船亦應如該督等所請將樂清等四營所抽三百五十名兵內照依馬一步九之例抽馬三十五匹歸於玉環左營其磐石原管戰船八隻盡數撥歸玉環右營令其將備輪巡至磐石營該督等既稱應仍改為陸路毋庸再設叅遊大員兵數亦當酌減請設都司一員千總一員把總二員兵三百名防守但該營守備

千把兵丁已請移調玉環止留十總一員兵二百  
七名尚缺都司一員把總二員兵九十三名查有  
台協撥防金清洋嶼二汛有撤回千把二員將把  
總一員撥入磐石併請裁去衢協右營都司改為  
磐石營都司再於該營抽把總一員兵九十三名  
合磐石原兵二百七名駐防磐石以內港水陸汛  
地責歸都司防範仍歸樂清營管轄新設玉環營  
附近歸於溫州鎮統轄再磐石仍改陸路應復額

馬三十匹以資馳驅等語亦應如該督等所請准  
其抽撥調度可也奉

旨依議

雍正七年七月怡親王等會同兵部為遵

旨議覆事覆浙江總督李衛條奏水陸營制事宜一摺

內一奏稱溫州鎮左右二營水陸汎地宜歸畫一  
也查溫州原設寧村一營嵩司陸路康熙二十二  
年寧村營制奉裁以鎮標左營官兵分防寧村故

有水陸之責雍正二年瑞安磐石二營更改水師  
以鎮標右營原防海汛歸於磐石巡查故將右營  
改為陸路彼時未將寧村等處與右營陸汛毗連  
者一併改歸是以左營既應出洋巡哨復須分守  
陸地難於兩顧且寧村地聯右營實屬居中扼要  
之所請將溫鎮右營遊擊移駐寧村尚司陸路其  
左營官兵仍歸郡城與中營一例為管水師各有  
責成巡防不至岐隔等語應如該督所請將右營

遊擊移駐寧村崙司陸汎左營官兵仍歸郡城崙  
管水師俾彼此分防各有責成再查右營原管陸  
汎八處今將左營所轄之寧村陸汎四處併歸右  
營管轄未免汎廣兵單其左營向係水陸兼司原  
設有馬戰兵丁應令該督酌量撥歸右營以敷巡  
防一奏稱水陸兼防之營額馬宜復也查營伍馬  
匹原為平時操練官兵傳報軍情之用在水師全  
憑舟楫而有汎兼陸路者非馬則馳驟無資且考

拔營弁無馬何以責其騎射能優今鎮海瑞安二營原係陸路設有官馬雍正二年前督臣滿保將二營議改水師馬匹盡行議裁竟未計及二營雖改水師仍有陸路兼防也况鎮瑞係沿海要地各有防守縣城并各處要隘設遇要務何以策應且同案請裁之磐石營經臣題請復馬三十匹在案似應按照通省馬一步九之例鎮海營除改水兵外尚存陸汛兵丁八百七名應復馬八十四匹瑞安

營除改水兵外尚存陸汛兵丁七百名應復馬八十匹使水有戰船陸有戰馬以備平時防禦操演等語查鎮海營原設馬兵一百二十六名瑞安營設馬兵九十八名磐石營設馬兵七十三名三營俱係陸汛嗣經原任督臣滿保題請改為水師將三營之馬歸於有馬各營遇缺填補在案續於雍正六年三月內經該督李衛以玉環新設叅將水陸兼防將磐石叅將改設都司仍為陸路留兵三

百名照馬一步九之例於原裁馬數內復馬三十匹亦在案今查鎮海營分防之招寶山城并笠山臺龍山所等處瑞安營分防之飛雲北岸并江岸沿邊墩臺等處俱係沿江陸路汎地並無馬匹該督既稱鎮瑞二營雖改為水師仍有陸路兼防若無馬匹遇有傳報公務誠恐濡滯不靈等語亦准於原裁額馬內照例復設以備操演策應之用可也奉



旨依議

駐劄處州府城處鎮總兵官下遊擊二員守備一員

千總三員把總五員

外委千總四員外委把總五員

俱於雍正五年新設

三營馬步戰守兵丁共一千六十七名

麗水營

隸處州鎮管轄

經制額設守備一員

康熙五十二年題設

千總

一員把總一員

外委千總一員把總一員

雍正五年新設

原額馬步戰守兵丁共四百三十五名

內有馬戰兵四十五

名無馬戰兵六十八名守兵一百一十八名雍正七年裁減京撥戰守兵丁四名歸杭嘉湖召募寶

存兵丁四百三十一名十三年衛協改鎮

添兵本營裁溢額馬二匹改步戰兵二名

駐防麗水城汛守備一員

雍正九年改守備街為都司僉書

把總一

員外委千總一員把總一員

馬步戰守兵丁共二百六十六名

分防碧湖要汛千總一員

永駐防守

外委把總一員

一年

輪防馬步戰守兵丁一百六十五名

中營分管縣汛

防守青田縣汛把總一員外委千總一員

俱一年  
輪換

馬步戰守兵丁一百四十名

防守縉雲縣汛把總一員外委把總一員

俱一年  
輪換

馬步戰守兵丁八十名

防守景寧縣汛千總一員外委把總一員

俱一年  
輪換

馬步戰守兵丁六十名

左營分管汛地

駐防龍泉縣汛遊擊一員

永駐  
防守

千總一員把總一員

外委十總一員把總一員

俱一年  
輪換

馬步戰守兵丁

共三百六十三名

防守雲和縣汛守備一員

永駐  
防守

把總一員外委把

總一員

俱一年  
輪換

馬步戰守兵丁共二百名

防守慶元縣汛把總一員外委把總一員

俱一年  
輪換

馬步戰守兵丁一百五名

右營分管汛地

防守遂昌縣汛守備一員

永駐防守

千總一員外委把

總一員

俱一年輪換

馬步戰守兵丁共二百九十八名

防守松陽縣汛把總一員外委把總一員

俱一年輪換

馬步戰守兵丁共一百名

防守宣平縣汛把總一員外委把總一員

俱一年輪換

馬步戰守兵丁共七十名

麗水營現存紅衣砲九位

內安設砲臺三位  
府城各門六位

威遠

砲六位發煩砲二十五位

俱安設府城壕口

行營砲四位

劈山砲一位百子砲十位

俱存營

處州府教場

在府治南明門外東南縱為丈二百有餘衡半之中為將臺右為廳事後

為堂翼以兩序而垣周之其外為壕

麗水縣教場

在枯蒼門外昆邑洲

雍正六年十二月浙江總督管理巡撫事務臣李

衛題為欽奉

上諭事該臣查得欽奉

諭旨每年頒發

上諭及條奏議行事件俱於次年十二月內將如何奉行已有成效之處聲明緣由繕本具題欽遵在案今當歲底彙奏之時所有雍正五年臣任內奉行之事理合摘叙緣由嵩疏聲明一件為欽奉

上諭事准兵部咨查議政議覆川陝總督岳鍾琪送來之威遠砲應量各省巡防之處無論馬步兵丁每一千名設砲十位該部酌量就近兩省各給一位  
公同試看挨次遞送令各照式揀選存留若不足

用於近省砲多者移取足數餘剩威遠子母砲解  
送來京損壞不堪應用銅鐵砲位盡行查明收庫  
有用銅鐵之處報部動用等因奉

旨依議欽此伏查火砲為攻擊之先資實海洋之利器  
從前浙省所存砲位內亦有威遠之名臣於上年  
七月十六日准江西省遞送到川陝解來之砲即  
親加試放與舊存者形式大同小異而施用之遠  
近便利頗遜於子母砲之功力隨於八月十一日



差員轉解福建去訖一面通查各營兵額酌量分設數目據各標鎮協營開報各營砲位細數原存續製情由并查明現在威遠砲止有二十九位不敷分給繪就各營圖式造冊咨請部示派撥理合聲明一件為欽奉

上諭事

皇上念浙江綠旗兵丁騎射營伍不如陝西

特頒諭旨將陝省各標營兵丁揀選一百名移住浙江

分撥各標教習有能約束訓練者拔補千總此誠  
聖主整飭營伍之盛心也續准陝省先後咨送各兵於  
上年十月初四日到齊臣會同調任提臣石雲倬  
預為酌定派撥營分隨到即將家口查明按照人  
數多寡路程遠近給與盤費口糧到營之日即撥  
給房屋居住補伍各給馬糧咸使得所各兵雖靈  
巧便捷之處出自秉質不若浙人而漢仗強健弓  
馬熟練高於南方得此時時教習浙江營伍大有

裨益現將勤於教習技藝更優者拔補經制及外委千把錄用人心無不鼓勵理合聲明一件為恭懇

聖恩等事准兵部咨宣化總兵官李如栢條奏營伍兵丁器械一事奉

旨覽李如栢所奏調換軍器事宜自從行伍利用起見該部議奏大凡各處營伍所習武藝所用器械操演隊伍向來原無一定之制是以武弁到任往往以已

所好尚及素所熟習者操演所屬兵丁間或學習未久而接任官員又另有意見將從前所習者更改調換是兵丁之技藝每視該上司之去留以為轉移非訓練專精之道也凡事久則生熟熟則生巧宜令各省將軍督撫提鎮因地所宜酌定規制永遠遵奉除騎射最為緊要天下通行學習外其餘各種演習悉着該上司會同通省大員悉心斟酌應如何操練用何軍器詳細定議奏聞令各營永遠遵奉而行接任

官員不得擅自更改倘將來有應行變通之處着具  
題請旨如此則兵丁各精其業且使一省之中彼此  
畫一將來或有調遣會集之處正可相資為用於訓  
練營伍大有裨益該部知道欽此臣正在分移提督

二臣會同叅酌間又一件為特請按兵設器等事  
准兵部咨浙江調任提臣石雲倬條奏按照隊伍  
分設鎗砲弓箭牌刀各項等因部議以與李如柏  
所奏俱係操演兵丁事宜行令會同臣等一併悉

心斟酌詳細畫一定議具題等因續准部咨議覆  
每兵一千名內以鳥鎗四百桿列為八隊其威遠  
砲長鎗鳥鎗弓箭牌刀等項按兵列隊責令將弁  
定限輪操各營現存器械多寡不齊者陸續製備  
酌量撥用水師不必多備副鎗只令操演連環其  
火箭等項攜帶材料臨時造用至水師船兵分作  
四甲通船學習試行有效再為具題等因奉

旨依議欽此臣現在遵照部議飭令各營依數派撥按

隊發給輪日操演其缺少之項於奏定公糧內逐  
件添補并飭水師各鎮協營於出洋兵船分甲學  
習臣當不時查驗稽考以副

皇上整飭營伍至意理合聲明一件為欽奉

上諭事准兵部咨子母砲位原係

內製不便通給外省定議

盛京寧古塔近海黑龍江與鄂羅斯接壤三處仍應  
照前設立此外各省子母砲位查明送部所有應

設砲位除威遠砲外尚有何項衝擊便利於軍務  
有益詳查造冊送部酌撥不足者鄰省移取如仍  
不足動項製造其沿邊沿海砲臺水師戰船守護  
城池舊有砲位照常存留等因奉

旨依議各處應設砲位俟撥給齊備之後將彼地所有  
子母砲齎送來京交部欽此臣欽遵

諭旨將浙江各營子母砲除續准部文每營止留一位  
演習外其餘悉行解運赴京交部投收但訪之興



論及老於水師各官俱云海洋戰船風浪高下不齊實賴子母砲攻擊利便重疊施放不須停留裝藥栽碾致有遲滯以之防杜奸究追拿匪類實有裨益可否仰懇

聖恩於海疆酌量留用之處伏乞

睿鑒理合聲明 臣謹具題奉

旨該部知道

雍正十二年五月兵部為欽奉

上諭事議得浙江總督程元章疏稱各鎮總兵官每年  
例應巡查營汛欽奉

諭旨着商請督提具本請

旨等因茲據各鎮呈詳提臣咨會到臣查定海一鎮孤  
懸海外向例只督巡本營洋面未嘗遊巡內地今  
總兵官林君陞呈稱所屬鎮海象協各營汛皆與  
本標貼近毗連督巡時可以就近考察於舊例稍  
為變通至黃巖鎮係山海交錯水陸兼防向例水

師各營於二月出洋哨捕十月撤巡該鎮督率會哨時自可便道進口查驗至冬季於所轄紹台二協巡查一次并會驗寧波船廠修造戰船往返便捷兵民不擾其溫州鎮前經議定每年夏秋出洋或冬或春遊巡陸路一年之內共為一周便道察閱自當循照舊例而行至處州鎮並無督巡洋面之任當於春冬二季徧歷查察一年之內兩次巡查各鎮或便道進口或登陸巡查自當減從裹糧

不得稍有滋擾汛防各官亦毋得借名供應勒扣  
弁兵如有前弊立即叅奏議處等因具題前來查  
雍正十一年十一月二十五日奉

上諭嗣後各直省總兵官有巡查營汛之事俱着商請  
督提具本請旨欽此欽遵通行在案今應如所請行  
令該督轉飭各該鎮遵照奉行可也奉

旨依議

浙江通志卷九十四

欽定四庫全書

浙江通志卷九十五

海防一

浙瀕海者六郡水陸交錯島嶼旁連並稱要地明代初立衛所增設臺汛備禦亦已多方而區畫猶未盡善

聖朝德威遐播海不揚波既極梯航之盛尤嚴戶牖之防制置周詳規模宏遠誠久安長治之道也志海

防

籌海圖編兩浙形勢大半負海論列郡之海口則溫  
州之飛雲橫陽館頭台州之松門海門寧波之定  
海大浹湖頭渡紹興之三江沙門杭州之赭山龕  
山嘉興之乍浦澈浦皆列郡之門戶也守門戶則  
堂奧自安矣論海洋之要害則金盃之鳳凰山南  
鹿山松海之大陳大佛頭昌國之韭山定海今鎮海  
之舟山遠而陳錢馬蹟下八山臨觀之烈港海寧

之洋山許山皆沿海之藩籬也守藩籬則門戶自固矣

兩浙海防類考浙西沿海一帶自鼇子門起至金山衛止延袤五百餘里實省城之咽喉嘉湖之藩籬以緩急較之海鹽乍浦為極衝澉浦為次衝海寧為稍緩

萬里海防浙東地形與福建連壤浙西地形與蘓松連壤各有輔車相依之勢故分哨各官宜互為聲

援往來會哨

以交信  
票為驗

南則沈家門兵船哨至福建

之烽火門而與小埕兵船相會北則馬墓兵船哨

至蘓州洋之羊山而與竹箔沙兵船相會

海防纂要浙江之源始於黠之林厯山一線之微合

流萬壑終於錢塘江之鼉子門而入海焉故鼉子

門者乃省城第一門戶石墩鳳凰外峙為第二門

戶此外無山惟羊許獨立海中東接衢洋西控吳

淞江口為第三門戶羊許二山有防然後石墩鳳



鳳有蔽石墩鳳凰有蔽然後錢塘鼈子門可寧此  
其大畧也沙起錢塘東至吳淞曾無間斷海外諸  
沙亦向此而轉是蘓松杭嘉四府連壤一脉利害  
安危輔車相倚者也今欲求錢塘無虞當守附海  
之三關欲求三關寧謐先防大海之羊許第羊山  
孤懸大海去乍浦太遠我舟頓此設遇東北颶風  
賊舟便捷彼此齎驅勝負難必許山魯門淺狹止  
可避東南之風賊乘東北風利吾開舟擊之亦為

並駕矣惟海鹽之白塔山去秦駐山不遠四風皆便賊若由大洋而來隨處可擊是海鹽一關尤四面之控制也總而論之賊由東洋經陳錢馬蹟犯寧定者必藉衢山馬墓兵船以禦之賊由南洋經韭山烏沙門犯昌國臨觀者必藉舟山烈港兵船以禦之若由羊山直進犯海鹽者必藉乍浦三關兵船以禦之是防海之總要也

觀海指掌圖防江在於聯絡防海在於會哨會哨必

於洋山洋山者海道必由之路山圍百里形似南箕中平如掌內有十八壑可藏海船數百海水鹽不可飲惟山頂一泉清淡可汲會哨必泊其中以避風汲水南至定海北至吳淞皆一潮可到蓋江浙之交界也故舟山為浙江之屏翰而玉環鳳凰馬蹟馬墓等山輔之洋山又為江浙兩省之屏翰而陳錢壁下大衢小衢諸山輔之陳錢中國海山之盡處海賊擊空明而來風波無際望見陳錢則

喜中國之將近而必泊於洋山以避風汲水視風  
然後分艖然必發艖於洋山洋山既為江浙之險  
要故防海之道賊犯江南而浙江官兵不至陳錢  
者罪在浙江賊犯浙江而江南官兵不至馬蹟者  
罪在江南俱以交牌號為驗遇賊則江浙官兵聯  
絡為一併力擊殺或搗其中堅或截其歸路或踵  
其後或犯其前毋使登岸入江為第一策此江浙  
海防之大要也

觀海指掌圖大洋山北行二更餘至馬蹟山

海中道里以更

計一更九十里

此二山為江浙分汎地最為扼要大衢山

雖為浙江洋面而與大洋馬蹟三方鼎峙守大洋馬蹟者必守大衢始臂指相使呼吸可通馬蹟二更餘至陳錢山又一更至盡山盡山以內為內洋山以外為外洋順風不三日可至日本矣由衢山而東諸山錯列各有港道可以泊船不二更至舟山也

兩浙海防類考羊山屹立大海東窺馬蹟西應許山  
南援衢洋北控大小七山此地之重者一也溫台  
寧三府於汛期之際漁船到此而後分艚採捕南  
極漁山北極茶蛇二山渺茫十里處處皆船此地  
之重者二也此地不守則馬蹟可以結巢而徐公  
上下皆為倭寇淵藪不惟許山有唇亡之慮而聲  
息不通應援阻絕衢洋當一面之衝浙西失藩蔽  
之固矣但羊山之外四顧汪洋陰霧迷漫咫尺不

辨則難於瞭望港門錯雜潮勢縱橫備左右空備  
前後寡則難於防禦夫聖姑礁為居中之地創為  
老營而以小船數隻泊之羊山則張家嶼之北錫  
灣嶼之東之警可備也以小船數隻泊之下釣則  
徐公之外馬蹟之內之警可備也以小船數隻泊  
之秀才等舉則衢洋之上沙塘之下之警可備也  
以小船數隻泊之西洋等舉則灘山之前漁山之  
後之警可備也如此分佈則要害有守而浙西之

門戶可固矣

籌海圖編陳錢馬蹟洋山在內海之外止可出哨不能設守蓋恐糧餉易匱聲援莫及且自來水寨設在沈家門遇有緩急戰守兼得耳

籌海圖編陳錢乃孤山突出極東大洋水深不可下棧又無壘可泊惟小漁舟盪漿至此即以舟拖閣灘塗採捕後仍拖下水而回欲以此為期會之地恐不便也馬蹟大衢洋山則不然蓋馬蹟有小潭



可以泊舟此山雖在陳錢之西離大衢尚遠賊舟西來一過陳錢即是馬蹟以此為會哨之地可也大衢與長途相對其西有礁無壘不可泊舟其東有衢東壘者可容船隻但水震蕩不寧舟泊於此久則易壞不如以大舟藏於長塗之北而以哨舟泊於衢東壘遇警舉號但大衢在北長塗在南相離不過半潮之遠潮從東西行兩山束縛其勢甚疾哨船戰船遇潮來與落時皆難橫渡俟潮平然

後可行策應

職方考鏡浙海諸山其界有三黃牛山馬墓長塗冊  
子金塘大榭蘭秀劍山雙巖雙塘六橫韭山檀頭  
等山界之上也灘山許山羊山馬蹟兩頭洞漁山  
三姑霍山徐公黃澤大小衢大佛頭等山界之中  
也花腦求芝絡華彈凡東庫陳錢壁下等山界之  
下也

籌海圖編金塘玉環諸山膏腴幾萬頃皆古來民居

之處可墾為屯田設所戍守一以據險一以固糧  
舊制當復者也

定海縣志 金塘雖處海中實隸翁洲之內譬之家翁  
洲為門金塘為遮鎮海為室是金塘兀峙中間與  
邑相為唇齒者也宋元盛時各山盡屬內地耕讀  
魚鹽民安物阜不獨金塘為然自信國遣徒紛紛  
異議俱謂金塘不宜開復或慮養亂滋奸或慮攘  
奪致訟或慮分屯增戍得不償失愚皆以為不然

夫金塘延袤百有餘里約田三萬餘畝泉甘土肥  
利莫厚焉方其初闢招徠之民墾有餘地無待於  
攘及其既定各業其業亦復何爭若云養亂滋奸  
則寇不為區區金塘而特起戎心也明矣以寇為  
虞而先棄之是猶懼噎而廢食也況此地為鎮之  
咽喉定之臂指設一旦有警則控扼其間呼吸可  
通聲援可接勢若常山之蛇首尾相應豈非尤重  
於他山者而反惜區區屯戍之費輒欲空虛其地

撤鎮海藩籬之衛失定邑輔車之依亦惑之甚也  
又云翁洲田裏山金塘山裏田中多險害故不宜  
開彼第知寇之能據險而不知我當先守隘此其  
說尤難通矣今者按圖觀之烈港在其西黃由礁  
在其東冊子山在其西北黃茅山在其西南而其  
中為支山者五為嶺者三為壘者十為大場地者  
一為汊者二要會多設舟師東西各置墩臺相形  
勢而圖久遠則金塘實有賴焉

玉環志玉環乃溫台兩府之鎖鑰樂太二縣之門戶  
外截海洋內資保障崇岡峻嶺周匝繞流依山築  
堡險足以守四面泥塗捍禦亦易此玉環之內勢  
然也山外有南麂北麂橫截對峙又為玉環之屏  
塞此玉環之外勢然也茲山向為沃壤民人聚處  
商賈貿易自洪武二十年控海之兵遂徙沿海居  
民於腹裏以致閩廣溫台各處匪類私搭棚廠聚  
居各壘或沿海刮土公行私販之鹽或羣聚壑種

坐收無稅之產網魚捕蝦捉蛇釣鱉船艘千餘藏  
垢納污查玉環原有十八都並分支附近各畝可  
以插種成為膏腴者約田三四萬畝其各畝口塗  
地玉環鄉老岍須築塘壩漸次成熟者約六七萬  
畝以天地自然之利養生齒日繁之民此玉環一  
定之生息也有水師遊巡海上則洋匪無從而入  
有陸路屯聚要隘則私販無從而出有戰艦屯泊  
海口則詭秘之船隻易於追擒有快哨遊巡內港

則奸匪之出沒無可潛踪碁布星羅稽查森嚴使商艘漁船於洪濤巨浪之中如履康莊誠利益於民生不小非第為玉環一方籌邊固圉之計而已

籌海圖編海防莫急於舟師舊制邊海衛所各造戰船有七百料五百料四百料二百料尖舡之殊七

百料停造久矣其餘五百料之類亦以不便海戰

改造福清等船復調發廣東橫江烏尾船顧稅蒼

沙民船又有小哨草撇船軍駕八槳船裝火器出



奇埋伏划網船四叅六總分哨守各洋港每值春

汛戰船出海初哨以三月二哨以四月三哨以五

月小陽汛亦慎防之

每年六七八月風漸險惡正月十一二月風色不常舟皆

不可行三月至五月東北風多倭來便易十月小陽汛亦可渡海寇有停泊海島東閩而至者故春秋二汛皆當防也其南哨也至鎮下門南鹿玉環烏沙門

等山交於閩海而止其北哨也至洋山馬蹟灘許

衢山等處交於直海而止陳錢為浙直分艚之處

則交相會哨復於沈家門列兵船一枝以一指揮

領之馬墓港列兵船一枝以一指揮領之舟山駐  
劉把總兼督水陸賊若流突中界則沈家門馬墓  
港兵船北截過長塗三姑山而與浙西兵船相為  
犄角南截過普陀青龍洋韭山而與溫台兵船相  
為犄角賊若流突上界總兵官自烈港督發舟師  
北截之於七里嶼觀海洋而叅將自臨山洋督兵  
應援南截之於金塘崎頭洋而石浦梅山港兵船  
為之應援是故海防自內達外有三重焉會哨於

陳錢分哨於馬蹟羊山普陀大衢為第一重出沈  
家門馬墓港之師為第二重總兵督發兵船為第  
三重備至密也

湧幢小品兵船在海遇晚宜酌量收舶安輿以防夜  
半發風嘗按沿海之中上等安輿可避四面颶風  
者凡二十三處曰馬蹟曰兩頭洞曰長塗曰高丁  
港曰沈家門曰舟山前港曰潯江曰烈港曰定海  
港曰黃岐港曰梅港曰湖頭渡曰石浦港曰猪頭

魯曰海門港曰松門港曰蒼山魯曰玉環山梁魯  
等魯曰楚門港曰黃華水寨曰江口水寨曰大魯  
曰女兒魯中等安魯可避兩面颶風者凡一十八  
處曰馬墓港曰長白港曰蒲門曰觀門曰竹齊港  
曰石牛港曰烏沙門曰桃花門曰海閘門曰几山  
曰爵溪魯曰牛欄磯曰旦門曰大陳山曰大牀頭  
曰鳳凰山曰南鹿山曰霓魯其餘下等安魯可避  
一面颶風如三姑山衢山之類不可悉數必不得

已寄泊一宵若停久恐風反別迅不能支矣至潭  
岫山灘山許山之類皆圍上無巖一面之風亦所  
難避可不慎乎

玉環志 玉環海汎以岐頭汎起可以泊船汲水可避  
東北風潮出岐頭東北至小門可以泊船避風樵  
柴汲水惟半洋有沉礁小門山之南即大門係溫  
鎮中營管轄出小門有嶼土名光采嶼至烏星難  
以泊船無可樵汲烏星之東南至橫址山南係溫

鎮中營洋汎北係本營洋汎難以泊船無可樵汲  
橫址之北至大巖頭雖係緊要難以泊船無可樵  
汲大巖頭之北係梁灣汎最緊要可以泊船樵汲  
可避東北風潮梁灣之北即桃枝嘴下有無名暗  
礁暫可寄棹避東北風無可樵汲桃枝嘴之北即  
大麥嶼口有一絹機礁可以泊船可避東北風潮  
大麥嶼之北即小麥嶼口有無名暗礁小麥嶼之  
西北係連嶼頭可以泊船可避南風無可樵汲連

嶼頭之西即小烏大烏又有扁鰻礁俱難以泊船  
樵汲連嶼頭之北土名稻幹堂嶼過灣即普竺港  
港口有西青嶼可以泊船樵汲可避東北風潮西  
青嶼之西即江埏山可以泊船可避北風巖口有  
金礁江埏之北有牛糞礁担兒山難以泊船無可  
樵汲西青嶼之西北至鱈魚頭烏巖巖口有蝦岈  
礁難以泊船無可樵汲烏巖東北角至分水與黃  
巖鎮右營為界分水之東即黃巖右營洋汎分水

之西係本營洋汎分水之北有苔山分水之東有  
鷺鷥礁塗頭嶼楚門俱係本營洋汎楚門北岬有  
麥城麥城之東有花巖浦女兒洞梅畧等山俱連  
太平縣界分水之東北有應公應婆山俱難以泊  
船應公應婆之北係大青小青可以泊船汲水可  
避東北風潮分水之西即茅峴山可以泊船汲水  
茅峴山後之北有砬笠礁難以泊船茅峴山後之  
東北壇兒山可以寄棹汲水可避東北風潮茅峴



山之西北有方江嶼難以泊船方江嶼之西北有橫  
址可以寄棹避東北風由大巖頭之東至薛壘舉  
鷺鷥灣俱難以泊船鷺鷥灣之東至黃門係緊要  
灣內可以寄棹無可樵汲黃門之南有雙排東白  
係溫鎮中營洋汎黃門之東係坎門汎最緊要可  
以泊船樵汲可避東北風潮黃坎門外山之中有  
暗礁土名黃牛礁坎門南首有金礁出坎門之東  
北車首頭之正東長嶼虎叉嶼雞冠嶼羊嶼車

首頭之北礁頭衝擔嶼沙頭乾江坎門外洋之正東披山洞正等山所有避風之處只可避東北風若遇西南大颶俱無可避之處識者審之

萬厝溫州府志溫與台接壤台之外海大陳山與溫之外海邳山交界自大陳山乘東北風一日可至邳山自邳山長潮西南上行半晌可至大鹿半潮可至橫坎二門自橫坎門半潮可至玉環山大巖頭梁灣如東北風自邳山半潮可至麥園頭華架

礁或入三盤或洞頭或白鹿或馬耳嶼俱可泊船  
自邳山下行一潮可至東洛東洛一潮可至南麂  
自東洛上行一潮可至南龍南龍半潮可至鳳凰  
鳳凰半潮可至江口青山嶼舩艚炎亭珠明大嶼  
大小濩一帶自南麂向上行遇東風一潮可至南  
龍南龍半潮可至鳳凰如遇東北風可往江口舩  
艚炎亭珠明大嶼大小濩一帶如出外洋遇東北  
風直至三星南臺向上可至七礁洋孫官嶼鎮下

門向下即出流江沙埕南鎮大質營秦嶼崱山烽  
火門入閩境矣

定海縣志定海南洋三百餘里與黃鎮交界北洋四  
百餘里與崇鎮交界閩粵商船多由內洋東西洋  
船多由外洋大約定鎮所屬洋面遼濶山嶼叢雜  
拋椗寄洋之處多而深塗廣濶之處少也嘗驗海  
洋颶風夏秋之交始於西北者必繼以東南春冬  
之交始於東南者必繼以西北迴風轉信僅在頃

刻故必四面環抱之地然後可以停泊戰艦不忌  
颶風定鎮所屬惟舟山道頭沈家門岑港長塗港  
梅山港青龍港石浦所六七處而已北洋羊山廟  
前僅避東北插燭灣僅避正南馬蹟有小灣僅避  
西北蘇竇有大灣然亦不利東南大衢山有沙塘  
倒斗礁潭龍潭各灣鼠狼湖亦有小灣均避東南  
不利西北南洋東西嶼可避一面風道人港甚淺  
青門內擔門雖可避西北然利小船不利大船大

目山洋最忌柔浪淡水門雖藉牛欄基稍避諸風  
然旋地亦淺東南風水石相觸噴浪高五六尺必  
收入石浦然後無患外洋則絕無灣地韭山烏沙  
港東福山湖泥白馬小灣僅寄旋不可常住夫寄  
旋之處多則匪船易匿深塗廣灣之處少戰艦不  
能久停而彼之窺伺洋閩各船也恒在於內洋外  
洋風雨晦暝之際戰艦巡防之隙卒然之間可以  
得志故定鎮防海之要尤要於他處數倍也

籌海圖編春汛小汛

弁州史料防海者以三四五月為大汛九月為小汛其所向

一視乎風

先期一月將各道兵士督發各海口要害之

處如在嘉湖者出三關在紹興者出龕山出臨山

出觀海出三江在寧波者出定海

今鎮海

出昌國出

象山在台州者出海門出新河出松門在溫州者

出楚門出盤石出金鄉等處安營操練與兵船相

表裏以為防守萬全之計春汛至五月終小汛至

十月終方令撤兵歸道嚴立限期通行提督總叅

衙門永為遵守則防禦周而賊無伺志矣

鄭泉海防議防海之策海口為要害在浙則定海海  
寧海門為海口第土兵官軍須叅調而用土兵諳  
練波濤之險易又能役使船戶當於要害處分營  
以土兵為主令隨便出哨使得撓彼於舟楫之間  
官軍扼於塘岍之口策之上也然土兵必用哨船  
巡哨在大洋之內不必過大大則轉動為難須四  
時分哨上下更番庶可有備無患也



歷朝防海事宜

海鹽縣圖經漢會稽郡海有樓船守尉都試令丞尉亦各統其縣以時肄習後陽嘉中又詔緣海益屯兵備盜賊海上之有戍蓋自漢始也

唐書德宗本紀建中二年夏六月改浙江西道為鎮海軍

海鹽縣圖經置鎮將始於唐改為鎮遏使始吳越唐制上鎮防兵五百中下遞減鎮各設將副一人吳

越鎮遏使以本土豪傑世領之秩視鎮將尤崇防  
兵為多宋南渡後行都密邇防海道為亟水軍始  
設其後元人南下漸逼海上險隘處益設戰艦  
鼠璞舟師始於吳越南北分境仗以防江建炎南渡  
始有防海之說

文獻通考宋哲宗元祐五年刑部言賈人由海道往  
外蕃請令以賈物名數并所詣之地報所在州召  
保母得參帶兵器或違禁及可造兵器物官給以

文憑若擅乘船由海入界河者罪以徒中興後凡沿江沿海招集水軍控扼要害及地方濶遠處皆置巡檢一員往來接連合相應援處則置都巡檢以總之各隨所在聽州縣守令節制

宋史兵志建炎後砦兵兩浙東路慶元府十砦

浙東鮎埼

三姑管界大嵩海內  
白峯岱山鳴鶴公塘

溫州十三砦

城下管界館頭  
青輿梅輿鹿西

蒲門南監東北三  
尖北監小鹿大荆

台州六砦

管界亭場吳都  
白塔松門臨門

宋史高宗本紀建炎三年二月命監察御史林之平

為沿海防托募海舟守隘四年七月禁海舶商販  
募民據險立柵防遏外寇八月命陳思恭屯兵明  
州以防海道紹興二年五月以中書門下省檢正

官仇愈為沿海制置使

宋史職官志沿海制置使以明州守臣領之其職肅

清海道節制諸軍延祐四明志制置司所隸者溫台明越

玉海紹興二年七月呂頤浩言近制沿海制置司最  
為得策然敵舟從大海北來拋洋直至定海此浙  
東路也自通州入料角放洋至青龍港又沿流至

金山村海鹽縣直泊臨安府江岸此浙西路也宜  
令仇愈專管淮東浙西別除一員專管浙東福建  
路從之

宋史高宗本紀紹興二年八月命沿海州縣籍民海  
舶每歲一更守海道險要九月以右朝請大夫呂  
源為浙江福建沿海制置使治定海縣三十一年  
十一月遣吏部侍郎汪應辰詣浙東措置海道

宋史孝宗本紀隆興元年六月命浙西副都總管李

寶措置浙西海道乾道七年三月立沿海州軍私  
齋朝錢下海船法

續文獻通考理宗淳祐三年六月資政殿學士知溫  
州趙與權乞廢併諸寨增置鎮海寨兵以備倉猝  
從之

宋史理宗本紀淳祐十一年正月詔沿海沿江州郡  
申嚴水軍之制開慶元年六月詔申嚴海海道防禦  
元史世祖本紀至元十八年十一月置鎮邊萬戶府

控制日本勅征日本回軍後至者分戍沿海二十  
六年尚書省言自泉州至杭州立海站十五站置  
船五艘水軍二百防禦海道從之二十七年冬十  
一月平章布拉吉達言浙東一道地極邊惡復還  
三萬戶以哈喇岱一軍戍沿海明台伊奇哩一軍  
戍溫處扎呼岱一軍戍紹興發水戰之法舊止十  
所今擇瀕海沿江要害二十二所分兵閱習伺察  
諸盜錢塘控扼海口舊置戰船二十艘今增置戰

船百艘海船二十艘故盜賊不敢發二十九年冬  
十月日本舟至四明求互市舟中甲仗皆具恐有  
異圖詔立都元帥府以防海道

元史仁宗本紀至大四年冬十月以蘄縣萬戶府鎮  
慶元紹興沿海萬戶府鎮處州宿州萬戶府兼鎮

台州

杭州府志明於會城置都指揮使司統諸衛所衛所  
在內地者主守在沿海者主備倭衛在內地者一



沿海者九衛各五所其外又特設所三十四在內

地者六沿海者二十八衛所官有定員而沿海特

設總督都指揮一人

兩浙海防類考總督備倭舊以公侯伯領之洪武三十年

改領於把總指揮四人

籌海重編浙洋沿海舊設四總後增為四叅六總四

叅者杭嘉湖一寧紹一台金嚴一溫處一也六總者定海昌國臨觀松海全盤海寧也籌海圖編叅將原設二人分守浙東西後分為四把總原係指揮四人後因地方多事衛所窵遠分而為六裁去

備倭總督而各把總以都指揮體統行事轄諸衛

而又備戰有船守瞭有

寨傳警有烽堠墩臺衛所外有巡檢司司有弓兵

而沿海居其半

續文獻通考明沿海衛所每千戶所設備倭船十隻  
每一百戶船一隻每衛五所共船五十隻每船旗  
軍一百名春夏出哨秋冬回守

明實錄洪武三年六月詔延安侯唐勝宗督浙江屬  
衛官軍造海船修城隍五年十一月癸亥詔浙江  
瀕海諸衛改造多櫓快船以備倭寇

倭患考原洪武六年以於顯為總兵官出海巡倭

明實錄洪武十五年四月浙江都指揮使司言杭州  
紹興等衛每至春則發舟師出海分行嘉興澈浦  
松江金山防禦倭寇迨秋乃還後以浙江之舟難  
於出閘乃聚泊於紹興錢清滙然自錢清抵澈浦  
金山必由三江海門俟潮開洋凡三潮而後至或  
遇風濤動踰旬日卒然有急何以應援不若仍於  
澈浦金山防禦為便其台州寧波二衛舟師則宜  
於海門寶院巡禦或止於本衛江次備禦有警則

易於追捕若溫州衛之舟卒難出海宜於蒲門楚  
門海口備之詔從其言

倭患考原洪武十七年信國公湯和築浙江沿海城  
民丁四調一為戍兵

籌海圖編湯信國經理海防北起乍浦南至蒲門縈  
紆二千餘里設九衛及諸所諸巡司總有百城營  
寨烽堠彼此聯絡援應血脉貫通

明實錄洪武二十三年四月詔濱海衛所每百戶置

船二艘巡邏海上盜賊巡檢司亦如之二十七年  
二月命中軍都督府都督僉事劉德前軍都督府  
都督僉事商嵩巡視兩浙沿海州郡城隍以及軍  
士器械之數仍督各衛嚴為備禦三月命魏國公  
徐輝祖安陸侯吳傑往浙江訓練沿海軍時海上  
有倭寇之警先命都督楊文節制沿海諸軍備之  
至是復命輝祖等往加訓練

明實錄永樂三年六月命浙江都司造海舟一千一

百八十艘九年十月命浙江臨山觀海定海寧波  
昌國等衛造海船四十八艘

明實錄洪熙元年七月浙江右布政使周幹言嘉興  
府海鹽縣地臨大海數被倭寇洪武中設海寧衛  
及澉浦乍浦二十戶所路置烟墩水置海船官軍  
往來巡警晝夜有備盜賊屏息百姓安堵永樂七  
年草烟墩移置海船於沈家門水寨相去一千餘  
里猝有寇至消息難通及官軍至賊船已退官軍

既回賊船復入軍無休息民無安枕若仍舊各守地方及量發附近官軍防守每歲令廉幹都指揮一人總督操備庶幾倭賊知懼軍民兩便

萬厯杭州府志正統七年戶部侍郎焦竑奉命來浙江整飭備倭

明實錄嘉靖五年二月御史簡霄疏言沿海諸衛軍伍虛耗水寨軍及備倭船存者無幾故寇發率臨時募兵造船動失機宜此不可不慮宜設法清補

復舊額軍伍既充則修補戰船責以操練乃可備  
緩急從之八年十二月禁沿海居民毋得私充牙  
行居積番貨以為窩主勢豪違禁大船悉報官折  
毀以杜後患

肅皇外史嘉靖二十六年巡按浙江御史陳九德請  
置大臣兼巡福浙海道從之以朱紘為右副都御  
史巡撫浙江紘至浙知沿海大姓皆利番舶勾連  
主藏轉鬻其貨牟利潤已久不歸值遂構難有所



殺傷乃下令申嚴海禁凡毀檣餘皇一切毀之

明實錄嘉靖三十一年八月巡按浙江御史林應箕  
疏言浙江寧紹台溫地濱大海盜賊出沒之數國  
初建衛所四十有一戰船四百三十有九董以總  
督備倭都司巡視海道副使等官控制至為周密  
後以海波不驚戒備漸弛伍籍日虛櫓弊樓折而官  
船廢矣嘉靖二十七年都御史朱紘議招福清捕  
盜船隻勦治有效因量留福船四十餘隻給與行

糧使分泊海濱常川防守比年所憑恃者此耳

明實錄嘉靖三十二年八月給事中王國楨議添設  
杭嘉二府守備一員備倭都司駐劄定海兼轄海  
寧二把總屯兵控禦海禁除通番大船販易接濟  
外其餘捕魚樵採無碍海防者編立字號發放  
入南京御史宋賢言錢塘江口宜增置守備捍海  
塘宜增築高峻雜植荆棘勒兵防守三十四年八  
月督察軍情侍郎趙文華疏陳國初更番出洋之

制極善今乃列船港次猶棄門戶而守堂堂浸失  
初意宜分乍浦之船以守海上羊山蘓松之船以  
守馬蹟定海之船以守大衢三山品峙哨守相聯  
總兵屯泊陳錢島以扼三路之衝然浙直地勢相  
聯互為唇齒宜設正副總兵官二員分駐金山臨  
山會要之地共守陳錢而以叅將分守馬蹟等三  
山分督汎地則勢成犄角矣

續文獻通考嘉靖四十四年九月巡撫浙江劉畿言

寧波故設市舶以通貿遷屬以近海奸民規利起釁爰議裁革今人情狃於近利輒欲議復不知沿邊港多兵少防範為艱此釁一開島倭哨聚遂寢

兩浙海防類考海中山嶽錯列林木蒙翳亡命奸徒易於盤據元末方國珍乘之以據浙東洪武間湯信國經畧其地遷徙其民勒石厲禁迄二百餘年莽無伏戎島無遺寇則靖海之效也嘉靖二十二

年間倭賊內訌多係海中潛住奸猾結連勾引以致禍延內地可為殷鑒邇來申明禁約今後敢有奸民豪戶擅將海墻間地私自開墾圖利者事發從重究遣各有司不得縱容釀亂庶奸徒無敢盤據巖谷而海島既靖釁端自弭矣



浙江通志卷九十五